

青神縣志卷三十七

政績志

知縣

宋

張逸

字大隱榮陽縣人天禧中為青神令多異政縣南有松栢灘常覆舟溺人逸禧江神不踰月灘徙五里自是無溺者又興學校授生徒邑人陳希亮楊異相繼登第皆出門下改其里名曰桂枝里後以樞密直學士知益州

明

楊麒

字夢孚雲南鄧川州人嘉靖初為青神令廉介慎勤歷任八年擢安順太守行李蕭然百姓遮道送之

吳廷秀

雲南臨安舉人嘉靖十年為青神令興利除弊多善政五年擢夔州府通判

青神縣志

卷三十七政績

六

皇清

劉公渭

貴州平越府湄潭縣進士雍正十二年為青神令愛民咸思其德焉

吳汝翼

江南江陰縣舉人乾隆十二年為青神令適辦金川軍務藉公項以舒民困至今民猶稱頌不置焉兼善詩賦及小引載在藝文

林鴻

福建浦城縣進士乾隆十年為青神令凡邑中利民之事多所修舉重修鴻化堰不憚勞瘁並善詩字題咏甚多有詩記在藝文

王承歲

廣東番禺縣拔貢乾隆二十六年為青神令培修學校復修鴻化堰補修城池修鑿松栢灘重修養濟院俱有記載在藝文



解學詩貴州都勻府舉人乾隆三十三年為青神令適辦雲南軍務自捐俸一千不累民間民至今思之

樊恭柱江西進賢縣進士乾隆三十四年為青神令節儉黷辦金川軍務毫不累民亦無失誤民符其困

馮廷蓋湖北雲夢縣進士乾隆四十五年為青神令嚴正剛方初到任即整飭學校邑中文教煥然一新至今遺

愛不

陸滋江蘓吳趨縣廩生乾隆六十年署青神令勤民瘼崇祀典兼喜論文工吟咏有詩載在藝文

程尙濂浙江永康縣舉人嘉慶元年為青神令多善政培植文教兼工詩有詩載在藝文

朱懷班廣西臨桂縣人嘉慶五年為青神令慈惠愛民訟獄平反必得其情民至今不忘焉

朱奎浙江長興縣人嘉慶六年為青神令留心政治為民除害民夜不閉戶焉

余鈺江蘓武進縣人嘉慶十年為青神令培補文教捐買義塚多善政焉

青神縣志

卷三十七政蹟

七

樊先瀛山西定襄縣舉人嘉慶十四年為青神令重學校除民害民咸賴之

劉伯蘊山東濰縣舉人道光七年到任愛民如子政簡刑清開黷門培植風水設義學以作育人才凡興利除弊靡不殫精竭慮士民懷服曾刊有

德政碑於署門外至今尚存

朱調元江西新建人道光十七年到任為人和平寬厚深得政體青邑尚無考棚試於署內自備棹橙搬運往來

不勝其勞爰集紳糧勸捐數千金建修考棚親董其事毫無侵蝕後歿於官人思其德立有朱公祠於考棚內春秋奉祀

惜李逆竄縣考棚被賊焚燬今遷神位於青江書院

董貽清江蘓陽湖舉人咸豐六年到任秉性剛直禁絕私謁內外肅然畏威懷德曾集紳糧籌款創興義卷士類

咸沐其澤後調署成都縣陞任資州酉陽等處回省後卒於官舍

張尙浴號鉄華山西陽曲人咸豐八年歷任青神為人寬厚和平恩威並用主辦節孝建立總坊又復興設養濟



院曾除巨盜士民咸服立有德政坊於北街汎署外並屬文以紀其績至今尚存

侯維楨號文梁河南人拔貢為人精明強幹剛直無私因青

侯維楨邑地瘠民貧留心撫字稟免津貼邑有潛匪親身搜捕人思其德曾贈有直民父母牌匾又暨有德政碑於東關外

袁修業號桐村係渠縣分縣調署青神自到任後民風丕變

袁修業每日皆平旦陞堂案無留牘差役當值日者莫敢回家安睡又復微行市井留心稽查時城內有著名光棍三四人橫行詐搯盡被殄除間有羅法幸免者後皆感泣無怨言故

士民有袁青天之號焉惜卸任後委署典文以公歎望誤卒於省垣聞者悼之